

KINGDOM WOK BLONG YUMI

DISEMBA 2013

WIK WE I STAT LONG 9 DISEMBA

Singsing 120 Mo Prea

❑ Baebol Stadi Blong Kongregesen:

fy japta 12 ¶1-10 (30 minit)

❑ Tiokratik Skul:

Baebol riding: 1 Jon 1-Jud (10 minit)

N. 1: 1 Jon 5:1-21 (no bitim 4 minit)

N. 2: ?Jisas i Tokbaot Ol Giaman Kristin Olsem Wanem?—fg pej 20, kwestin 2 (5 minit)

N. 3: ?Wanem Plan We Balam i Yusum Blong Trikim Ol Man Isrel?—lv pej 97-99 haf 1-6 (5 minit)

❑ Miting Blong Kingdom Wok:

Singsing 5

15 minit: Program Blong Tiokratik Skul Long Yia 2014. Elda we i lukaot long skul i mekem wan tok. Yu yusum program blong Tiokratik Skul long yia 2014, blong tokbaot sam poen we kongregesen i mas tingbaot. I gud yu talem long ol brata we oli mekem haf blong Baebol riding se sipos oli mekem ol fas jappa blong ol buk long Baebol, bambae olgeta oli no moa yusum buk ya, "All Scripture" blong givhan long olgeta. Mo yu talem long evriwan, se tok N. 2 i stanap long tufala buklet ya! *Gud Nius We i Kamaot Long God!* mo ?Hu i Stap Mekem Samting We Jehovah i Wantem? Mo tok N. 3 long buk ya 'Stap Long Laef Ya We God i Lavem Yu.' Olgeta we oli mekem tok ya oli mas kaontem ol paragraf nomo we fas laen blong hem i **no stat stret long saed blong pej**, olsem ol nara-fala laen. Yu talem long evriwan se i gud oli traehad blong mekem tok we oli kasem, mo i gud oli tokbaot sam poen long Baebol riding, mo oli folem ol advaes we i kamaot evri wik long buk ya, *Tiokratik Skul*.

15 minit: ?Olsem Wanem Blong Rerem Ol Fastok We Oli Wok Gud?" Kwestin mo ansa. Yu askem tu pablisa blong tufala i kam antap mo tufala i soemaot olsem wanem blong seremaot buk ya, *Baebol Tijim*. Faswan, pablisa i yusum wan fastok we i no wok gud. Seken wan, hem i yusum wan fastok we i wok gud.

Singsing 60 Mo Prea

?Olsem Wanem Blong Rerem Ol Fastok We Oli Wok Gud?

¹ Taem yu testem wan gudfala kakae, hemia i mekem yu wantem kakae moa. Be blong mekem wan kakae i tes gud olsem, oltaem yumi mas tingting gud mo rerem gud kakae ya. Long sem fasin, fastok blong yumi i olsem wan gudfala kakae, we i openem rod blong

1. ?From wanem i impoten blong gat wan gudfala fastok?

man i wantem storian moa long Baebol. Wan fastok we i wok gud i save longfala, no i sot nomo, mo ol toktok we yu talem tu oli defdefren. Be olsem wan gudfala kakae, oltaem yumi mas tingting gud fastaem mo rere gud fastok blong yumi. (Prov. 15:28) ?Wanem i mekem se fastok blong yumi i wok gud?

² Yu Tokbaot Samting We Man i Intres Long Hem:

Fastok blong yumi i mas pulum tingting blong man blong haos. Sipos no, man ya bambae i no wantem storian. Taswe, taem yumi stap rerem fastok blong yumi, i gud yumi tingbaot ol samting we ol man long ples blong yumi oli intres long hem. ?Olsem wanem? ?Ol man oli intres blong tokbaot wan gavman we i save stretem ol trabol, laef insaed long famle no blong save se bambae ol faet oli finis? Ol man oli laekem blong talemaot tingting blong olgeta, taswe i gud we yu tingbaot sam kwestin we yu save askem long olgeta. Yu yusum wan long ol fastok we i stap biaen long *Kingdom Wok Blong Yumi*, mo yu traem mekem i laenap long teritori blong yu. Maet yufala i save mekem rere wan fastok olsem long Famle Wosip.

³ Yu Mas Tingbaot Kastom Blong Man Mo Ples We Hem i Kamaot Long Hem:

Ol ples we yumi go prij long olgeta, oli defdefren. Long sam ples, taem yumi go long haos blong man, yumi mas talem from wanem yumi kam long haos blong hem. Sam nara-fala ples, i moa gud we yumi askem long man blong haos sipos hem i oraet, mo yumi save askem sam nara-fala samting bakegen long saed blong hem. Long sam nara-fala ples bakegen, sipos yumi save se ol man long ples ya oli gat smol save long Baebol, maet yumi save tokbaot Baebol long fastok blong yumi. (Wok 2:14-17) Be samfala oli no go long jos nating. Long taem olsem, i nogud yumi tokbaot Baebol long man, taem yumi mitim hem fastaem. I moa gud yumi mekem olsem, taem yumi gobak blong mekem visit long hem.—Wok 17:22-31.

⁴ Fastok Blong Yu: Yu mas rerem gud ol fastok blong yu. I moa gud blong rerem wan fastok we i sot mo i isi. Fasin blong yumi blong talemaot fastok ya tu, i impoten tumas. Taem yumi toktok, yumi mas glad, mo yumi smael. Sipos yumi mekem olsem, man blong haos bambae i luk se yumi intres long hem. Sipos yumi folem ol save ya, bambae yumi naf blong rerem gud wan fastok we bambae i pulum ol man long teritori, blong oli wantem kam kakae long 'tebol blong Juhova.'—1 Kor. 10:21.

2. ?Yumi save rerem ol fastok we oli pulum tingting blong man olsem wanem?

3. ?From wanem yumi mas jenisim fastok blong yumi, blong mekem i laenap wetem laef mo kantri blong man?

4. ?Taem yumi rerem fastok blong yumi, mo yumi toktok long man, yumi mas tingbaot wanem?

WIK WE I STAT LONG 16 DISEMBA

Singsing 83 Mo Prea

❑ Baebol Stadi Blong Kongregesen:

fy japta 12 ¶11-19 (30 minit)

❑ Tiokratik Skul:

Baebol riding: Revelesen 1-6 (10 minit)

N. 1: Revelesen 3:14-4:8 (no bitim 4 minit)

N. 2: Ol Tru Kristin Oli Bilif Se Baebol i Tok Blong God—fg pej 20, poen 1 (5 minit)

N. 3: ?Wanem Ya Fasin Nogud Wetem Man No Woman?—lv pej 99-100 haf 7-8 (5 minit)

❑ Miting Blong Kingdom Wok:

Singsing 44

10 minit: ?Yumi Karem Wanem Frut Long Wok We Yumi Mekem? Tok wetem sam kwestin mo ansa. Brata we i lukaot long wok blong prij i mekem tok ya. Yu talemaot long evriwan, ol teritori we yumi mekem taem yumi seremaot Kingdom Nius N. 38. Yu askem long olgeta we oli stap, blong oli tokbaot sam gudfala stori mo sam blesing we oli kasem, taem oli joen long spesel wok ya.

10 minit: Ol Yangfala Yufala i Mas Presem Jehova. (Sam 148:12, 13) Yu askem kwestin long tu no tri yangfala we oli soemaot gudfala eksam-pol. Yu askem long olgeta se, ?Wanem trabol we oli fesem long skul we i traem bilif blong olgeta? ?Ol papa mo mama blong olgeta, mo ol narafala oli givhan long olgeta olsem wanem blong oli winim ol samting we oli traem olgeta? ?Wanem i givhan long olgeta blong gat strong tingting blong tokbaot bilif blong olgeta? Mo yu askem long olgeta blong tokbaot wan trabol we oli fesem long skul.

10 minit: “?Yu Yu Save Mekem Moa Long Wok Blong God?” Kwestin mo ansa.

Singsing 75 Mo Prea

?Yu Yu Save Mekem Moa Long Wok Blong God?

¹ Taem Jisas i luk we fulap man oli wantem harem gud nius blong Kingdom, hem i talem long ol disaepol blong hem blong oli “askem strong long masta blong garen ya, blong hem i save sanem sam moa man oli

1. ?Wanem i mekem se wok blong prij i impoten naoia, mo from wanem?

kam blong karem ol kakae ya i go long haos blong hem.” (Mat. 9:37, 38) Naoia, yumi stap long ol laswan aoa blong taem ya blong tekem kakae long garen. From samting ya, i impoten moa blong wok strong naoia i bitim bif. Yumi mas askem long Jehova long prea, blong traem faenem rod blong mekem moa long wok blong prij.—Jon 14:13, 14.

2 Mekem Moa Wok: Plante brata mo sista oli save mekem wok blong paenia, from we Jehova i lidim olgeta mo i givhan long olgeta. (Sam 26:2, 3; Fil. 4:6) Samfala oli traehad blong joen long wok blong haftaem paenia, long wan manis no long plante manis long yia. Oli luk se hemia wan gudfala rod blong mekem moa long wok blong prij. Glad we oli kasem long wok blong haftaem paenia i pulum olgeta blong oli wantem kam fultaem paenia.—Wok 20:35.

³ **?Yu Yu Save Joen Bakegen Long Wok Blong Paenia?:** Sipos yu mekem wok blong paenia bif, ating yu harem gud yet blong tingbaot ol blesing we yu kasem long taem ya. ?Yu yu prea long Jehova, blong i givhan long yu blong joen long wok blong paenia bake-gen? Maet ol samting ya we oli blokem yu blong yu no moa paenia oli finis. Maet naoia yu yu save joen long wok blong paenia bake-gen.—1 Jon 5:14, 15.

⁴ Wok blong go tekem kakae long garen i stap gohed gud, mo i no longtaem bambae i finis. (Jon 4:35, 36) I gud we yumi evriwan i tingting gud long laef blong yumi, blong luk-save sipos yumi naf blong jenism sam samting, blong yumi mekem moa long wok blong prij. Sipos yumi luk se yumi no naf blong mekem moa long wok ya, maet yumi save lukaot sam rod blong karem moa frut long wok we yumi stap mekem. (Mak 12:41-44) !Olgeta we laef blong olgeta i stret blong Jehova i yusum olgeta long spesel wok ya, bambae oli kasem bigfala blesing!—Sam 110:3.

2. ?Samfala oli mekem wanem blong ansa long tok blong Jisas blong singaot moa man oli go tekem kakae long garen?

3. ?Sipos yu paenia bif, maet naoia yu save mekem wanem?

4. ?Wanem spesel janis we yumi evriwan i gat?

WIK WE I STAT LONG 23 DISEMBA

Singsing 135 Mo Prea

□ Baebol Stadi Blong Kongregesen:

fy japta 12 ¶20-26, bokis pej 152 (30 minit)

□ Tiokratik Skul:

Baebol riding: Revelesen 7-14 (10 minit)

N. 1: Revelesen 9:1-21 (no bitim 4 minit)

N. 2: Ol Tru Kristin Oli Leftemap Nem Blong God, Jehova—fg pej 21, haf 1 (5 minit)

N. 3: ?From Wanem Yumi Mas Sakemaot Fasin Ya Blong Lukluk Ol Rabis Pija?—lv pej 100-102 haf 9-12 (5 minit)

□ Miting Blong Kingdom Wok:

Singsing 124

10 minit: Buk We Yumi Seremaot Long Manis Jenuware Mo Februari. Tok wetem sam kwestin mo ansa. Yu tokbaot buk we bambae yumi seremaot long tufala manis ya, mo yu askem long tu pablisna blong tufala i kam antap, mo soemaot tu rod blong seremaot buk ya.

20 minit: "Yu Givhan Long Man We i No Rere Yet Blong Stadi Long Buk Ya Baebol Tijim." Kwestin mo ansa. Yu askem long tu pablisna blong tufala i kam antap mo soemaot olsem wanem blong yusum wan tingting insaed long bokis we i stap long pej 6.

Singsing 46 Mo Prea

Yu Givhan Long Man We i No Rere Yet Blong Stadi Long Buk Ya Baebol Tijim

¹ Wan man we i wantem kam mekem wosip long Jehova, hem i mas save samting we Baebol i tijim. Be ol man wanwan oli defdefren. Samfala oli no bilif long God, mo oli no luk Baebol olsem tok blong God. Sam narafala oli no bilif long God nating, mo oli no respektem Baebol. ?Wanem buk yumi save yusum blong givhan long man we i no akseptem buk ya *Baebol Tijim*? Ol haf we oli kam biaen, bambae oli tokbaot samting we ol pablisna long 20 defren kantri oli talem.

² **Olgeta We Oli No Bilif Long God:** Sipos man i talem se hem i no bilif long God, i gud we yu faenemaot fastaem from wanem hem i gat tingting olsem. ?Maet hem i bilif long evolusen? ?Hem i no moa bilif from hem i luk se wol i fulap long kruk fasin, no ol skul oli gat tu

1. ?Yu ting se olgeta man bambae oli akseptem buk ya *Baebol Tijim*? Yu eksplenem.

2. Sipos wan man i talem long yumi se hem i no bilif long God, ?yumi mas kasem save long wanem, mo from wanem?

fes? ?Hem i stap long wan kantri we oli blokem ol man blong oli no bilif long God? No maet oli no wantem bilif se God i stap, from oli harrem se oli no nidim God. Plante pablisa oli askem long man se, "?Yu yu gat tingting ya longtaem finis?" Taem yumi askem kwestin olsem, yumi pulum man ya blong talemaot tingting blong hem. Mo taem man ya i stap toktok, yumi mas lesen gud long hem, mo yumi no katem toktok blong hem. Taem yumi kasem save **from wanem** man ya i no bilif long God, bambae yumi save **olsem wanem** blong givim ansa long hem. Mo tu, bambae yumi save wanem buk bambae yumi givim long hem.—Prov. 18:13.

³ Taem yumi givim ansa long man olsem, yumi mas lukaot gud se yumi no mekem man i harem se yumi agensem tingting blong hem. Yu traem luk samting we ol man long Yunaeted Stet oli talem se: "Ol man wanwan oli fri blong jusum bilif blong olgeta, taswe i impoten tumas blong respektem tingting blong olgeta. Yumi no traem blong talem long olgeta se, tingting blong olgeta i rong. Defren olgeta, i gud yumi askem kwestin we i mekem olgeta oli tingting, mo blong olgeta nomo oli traem faenem ansa blong kwestin ya." Wan distrik elda i mekem olsem. Taem man blong haos i talemaot tingting blong hem finis, elda ya i statem ansa blong hem olsem se: "?Samtaem yu yu tingbaot sipos God i stap?"

⁴ Plante Budis oli no save God. Sam pablisa long Briten oli yusum buklet ya *Lasting Peace and Happiness—How to Find Them*, blong prij long ol man olsem. Fastaem oli talem wan smol fastok we i pulum tingting blong man i go long buklet ya, biaen oli tokbaot haf ya se, "*Is There Really a Most High Creator?*" mo afta long hemia oli tokbaot, "*A Guidebook for the Blessing of All Mankind*." Taem oli tokbaot ol haf ya finis, oli soemaot buk ya *Baebol Tijim* long man blong haos, mo oli talem long hem se, "Mifala i save se yu yu no bilif long God. Be sipos yu stadi long Baebol, hemia bambae i givhan long yu bigwan, from we i gat plante gudfala advaes insaed long hem." Wan paenia brata long Yunaeted Stet we i stap prij long ol Jaenis, i talem se: "Plante man long ol territori blong mifala oli laekem tumas blong rid. Plante taem, oli ridim ful magasin bifo we mifala i gobak. Be oli no kasem save yet se Baebol stadi i olsem wanem. Taswe, taem mi prij, mi givim buklet ya *Gud Nius* long olgeta, from we oli

3. ?Yumi save mekem wanem, blong soemaot se yumi respektem man mo bilif blong hem?

4. ?Sipos yumi prij long ol Budis, olsem wanem yumi save givhan long olgeta?

raetem long fasin we i pulum man blong storian." Wan eria elda long Yunaeted Stet we i lukao long eria blong ol Jaenis, i talem se, long wok blong prij, yumi save soemaot buk ya *Baebol Tijim* long olgeta long fastaem we yumi prij long olgeta. Be, i moa gud blong statem stadi long japat 2 blong buk ya we i tokbaot Baebol, i bitim we yumi go stret long japat 1 we i tokbaot God.

⁵ I tekem longtaem blong wan man olsen, i bilif long God. Taswe i impoten tumas we yumi gat longfala tingting. Ating long fastaem we yu storian wetem hem, maet hem i no save agri se God i stap. Be taem ol yia oli pas, bambae hem i luksave se **maet** i tru, no maet hem i talem se hem i kasem save from wanem sam man oli bilif se God i stap.

⁶ Olgeta We Oli No Intres No Oli No Trastem

Baebol: Plante taem, wan man i luksave se God i stap, be hem no intres long Baebol, from hem i no bilif se Baebol i tok blong God. Maet from we hem i laef long wan kantri we ol man oli no Kristin, mo oli luk Baebol olsen buk blong ol Kristin. No maet hem i laef long wan Kristin kantri, be ol man long kantri ya oli tinghae moa long ol samting blong wol i bitim Baebol. Taswe hem ting se Baebol i no save givhan long laef blong hem. Ale, ?yumi save mekem wanem blong givhan long ol man olsen blong oli laekem Baebol, mo oli glad blong stadi long buk ya *Baebol Tijim*?

⁷ Branj ofis long Gris i raetem wan leta i talem se: "Wan rod nomo we i save givhan long ol man we oli no trastem Baebol, i blong openem Baebol mo soemaot long olgeta, ol save we i stap insaed. Plante pablisa oli luk se mesej we i stap long

5. ?From wanem i impoten we yumi gat longfala tingting?

6. ?From wanem sam man oli no bilif long Baebol?

7. ?Long wanem rod yumi save pulum man blong intres long Baebol?

Sam Stori

■ Ostrelia: Jon i wan man we i skul gud. Taem hem i smol hem i stap go long jos, be biaen hem i "bilif strong se i no gat God." Wan paenia brata i givim buklet ya, *Was Life Created*, long hem mo biaen taem hem i kambak, hem i givim buklet ya, *Origin of Life* long hem. Brata ya i goheded blong tekem ol niufala magasin we oli tokbaot ol samting we God i wokem no ol profet tok blong Baebol, i go givim long hem. Taem hem i luk we Jon i rere, hem i givim buk ya, *The Bible—God's Word or Man's?* long hem. Afta we Jon i ridim buk ya, hem i talem se hem i "no moa bilif strong se i no gat God ol-

Sipos man blong haos i talem se, hem i no bilif long God, yu traem mekem olsen:

- Yu askem long hem se, "?Yu gat tingting ya longtaem finis?"
- Sipos hem i wan Budis, i gud yu yusum buklet ya, *Lasting Peace and Happiness—How to Find Them*, long pej 9-12.
- Sipos hem i bilif long evolusen, yu yusum:

Wekap! long haf ya, "?I Gat Wan Man We i Wokem Samting Ya?"

DVD ya, *The Wonders of Creation Reveal God's Glory*

Buklet ya, *A Satisfying Life—How to Attain It*, stadi 4; *Was Life Created?*; mo *The Origin of Life—Five Questions Worth Asking*

- Sipos hem i no moa bilif long God, from hem i luk se i gat fulap krukeda fasin, ol man oli safra, yu yusum:

Buk ya, Is There a Creator Who Cares About You?, long japat 10

Buklet ya, *?God i Rili Kea Long Yumi?*, haf 6, mo *What Is the Purpose of Life?*, haf 6

- Taem yu luk se man blong haos i stat blong agri se God i stap, yu jenisim buk i go long *Baebol Tijim*. I moa gud blong statem long japat 2, no wan narafala haf we i stret long hem.

sem fastaem." Biaen, brata ya i givim buk ya *Baebol Tijim* long hem, mo i soem long hem pej 20 haf 8 mo pej 23 mo 24 haf 13 kasem 16. Ol vas we oli stap long haf ya oli mekem Jon i sapraes tumas, nao hem i talem se: "Ating i moa gud mi stadi long Baebol bakegen."

■ Meksiko: Wan man i talem long wan brata se hem i no bilif se Baebol i kamaot long God. Ale, brata i askem, sipos hem i save soemaot long man ya, ol pruf we oli soemaot we Baebol i kamaot long God. Tufala i storian plante, biaen man ya i stat blong harem nogud from samting we hem i lanem long Baebol. Samting we i pulum tingting

Sipos man blong haos i no bilif long Baebol, yu traem mekem olsem:

- Yu traem luk jupta 17 mo 18 blong buk ya, *Life—How Did It Get Here? By Evolution or by Creation?*
- Ol Hindu. Yu yusum buklet ya, *Why Should We Worship God in Love and Truth?*
- Ol man Jiu. Yu yusum buklet ya, *Will There Ever Be a World Without War?*, pej 3-11.
- Yu tokbaot ol gudfala frut we i kamaot, taem yumi folem ol rul blong Baebol. I gat plante advaes blong Baebol we oli wok gud. Yu save soemaot:

Wekap! long haf ya, "Advaes Long Famle"

DVD ya, The Bible—Its Power in Your Life

Buklet ya, !Gud Nius We i Kamaot Long God!, long stadi 9 mo 11. Buklet ya, A Book for All People, pej 22-26; mo A Satisfying Life—How to Attain It, stadi 2

Baebol, i gat moa paoa blong kasem hat blong man, i bitim eni narafala toktok we yumi save taem. (Hib. 4:12) Taem yumi soemaot long olgeta nem blong God long Baebol, hemia i mekem se plante man oli wantem tumas blong save samting we i stap insa long Baebol." Branj ofis blong India i talem se: "Trutok long saed blong laef mo ded, i pulum tingting blong plante man Hindu. Mo tu, wan narafala samting we i pulum olgeta, hemia promes ya blong Baebol se, ol man long wol bambae oli no moa seraot." Plante pablisa oli tingbaot ol samting we oli stap hapen long ples blong olgeta, nao oli yusum Baebol blong soem-aot se Kingdom blong God, bambae i finisim ol samting ya.

blong hem moa, hemia ol rul blong God. Hem i talem long brata ya se: "Fastaem, taem we yumi-tu ridim Baebol mi luk se ol advaes blong hem oli sem mak nomo long ol narafala buk, mo i no gat paoa long mi nating. Be naoia taem yumi ridim, antap moa ol advaes long saed blong ol rabis fasin mo gudfala fasin, hemia i mekem mi harem nogud tumas."

■ **Yunaeted Stet:** Wan man mo woman blong hem tufala i prij long ol bigfala taon we oli bisi. Nao tufala i mitim wan woman Taewan, we i bilif long God be i ting se Baebol i wan buk blong ol man long ol kantri long wes. Woman ya i kam luk-luk ol magasin from we hem i harem nogud, na-

Ol Budis. Yu yusum buklet ya, *The Pathway to Peace and Happiness*, pej 3-7.

Ol Muslim. Yu yusum buklet ya, *Real Faith—Your Key to a Happy Life*, long stadi 3.

Sipos yu prij long wan man we i no laekem Baebol, i gud yu soemaot se toktok blong yu i no kamaot long Baebol. Maet yu save tokbaot Baebol wetem hem, afta we yu visitim hem plante taem.

- Yu eksplenem long hem olsem wanem ol profet tok blong Baebol oli kamtru. Yu save yusum:

DVD ya, The Bible—Accurate History, Reliable Prophecy

Buklet ya, A Book for All People, pej 27-29

- Sipos yu harem se man ya i stap askem plante kwestin long saed blong ol samting we Baebol i tijim, i gud yu jenisim buk i go long *Baebol Tijim*.

⁸ Sipos wan man i gat rong tingting long Baebol from ol giaman skul, i gud yu mekem hem i luksave se ol giaman skul oli twistim tok blong God, mo ol tijing blong hem. Branj ofis long India i talem se: "Samtaem yumi mas givhan long ol man blong oli luksave se, ol tok blong Baebol oli no kamaot long ol jos." Oli talem se plante taem, ol Hindu oli laekem stadi 4 long buklet ya *What Is the Purpose of Life? How Can You Find It?* Hemia from we, hem i eksplenem olsem wanem ol jos oli spolem mo twistim Tok blong God. Wan paenia brata long Brasil, i talem

8. ?Yumi save talem wanem long man we i gat rong tingting long Baebol?

ting we hem i gat gudfala laef. Hem i ting se Baebol nao bambae i givhan long hem blong save from wanem hem i laef. Brata mo sista ya, tufala i stat stadi wetem hem long buk ya, *Baebol Tijim*, mo buklet ya *Lasting Peace and Happiness—How to Find Them*. Olgeta oli no stat long jupta 2 blong buk ya, be oli go stret long wan haf blong buklet ya we nem blong hem, "A Guidebook for the Blessing of All Mankind." Taem oli finisim ol fas sikis paragraf, woman ya i sapraes blong luk se Baebol i defren long ol narafala buk blong jos. Afta we oli stadi long ol profet tok we oli kamtru, woman ya i talem se: "I no gat wan narafala buk we mi tingbaot we i stret gud olsem Baebol!"

Sipos man blong haos i talem se: "Mi mi no bilif long God," you save talem se:

- "?Yu yu glad sipos mi eksplenem long yu smoltaem, samting we i pulum **mi** blong bilif se i gat wan God we i wokem olgeta samting?" Biaen yu tokbaot poen ya we i stap long *Reasoning* buk pej 84-86, no maet yu mekem plan blong givim wan buk long hem we yu laekem tumas blong ridim.
- "Be **sipos i gat wan God**, ?yu yu wantem se hem i olsem wanem?" Plante man we yumi mitim olgeta, oli ansa se, oli wantem kam klosap long wan God we i lavem man, fasin blong hem i stret, mo i gat sore mo i mekem i sem mak long olgeta man. Yu soemaot long hem long Baebol we God i gat ol fasin ya. (Maet yu save yusum japta 1 blong buk ya *Baebol Tijim*, long haf 6.)

Sipos man blong haos i talem se: "Mi mi no bilif long Baebol," you save talem se:

- "Plante man oli gat tingting olsem. Samfala oli ting se Baebol i no tokbaot saens mo ol rul

long ol man se: "I moa gud blong save wanem we Baebol i tokbaot. Plante man oli ridim Baebol from oli wantem save samting we i stap insaed, be i no blong sapotem tingting blong wan skul. Sipos yu tu yu mekem olsem, bambae yu sapraes long ol samting we yu lanem."

⁹ Jehova i lukluk hat blong ol man wanwan. (1 Saml. 16:7; Prov. 21:2) Hem i stap pulum ol man we hat blong olgeta i stret, blong oli kam long tru wosip. (Jon 6:44) Plante long ol

9. Sipos yumi prij long wan man we i no wantem save samting we Baebol i tijim, ?yumi no mas mekem wanem, mo from wanem?

■ **Japan:** Wan man i talem long wan brata se hem i no bilif long God. Ale brata ya i gohed blong visitim hem. Hem i soem haf ya, "?I Gat Wan Man We i Wokem Samting Ya?" we i stap insaed long *Wekap!* Sloslo, man ya i jenism tingting blong hem mo i agri se i gat wan man we i wokem olgeta samting. Naoia hem i bilif se God i stap, mo brata ya i mekem Baebol stadi wetem man ya long buklet ya, !*Gud Nius We i Kamaot Long God!*

■ **Kanada:** Wan sista i givim niufala magasin long wan woman we i aot long haos, blong go long trak blong hem. Taem sista ya i kambak, woman ya i talem strong long hem se, hem i no in-

blong hem oli no wok gud. Yu talem long mi, ?yu yu ridim Baebol finis? [Yu letem man i ansa. Biaen yu soem fastok blong buklet ya, *A Book for All People* we i stap long pej 3, mo yu givim long hem.] Plante man oli no moa ting-hae long Baebol, from ol jos oli twistim ol ti-jing blong hem. Nekis taem, mi glad blong soem sam eksampol long yu we oli stap long pej 4 mo 5."

- "Plante man oli gat sem tingting olsem yu. ?Yu yu glad sipos mi soem long yu wan samting long Baebol we mi mi sapraes long hem? [Yu ridim Job 26:7 no Aesea 40:22, we i soemaot se Baebol i tok tru long saed blong saens.] Baebol i tokbaot tu, ol waestok we oli save givhan long ol famle. Nekis taem, mi save soem wan eksampol long yu."
- "Tangkiu blong talemaot tingting blong yu. Sipos God i **bîn** raetem wan buk blong ol man, ?yu ting se buk ya i tokbaot wanem?" Biaen yu soemaot long man ya, wan tok long Baebol we i laenap wetem tingting blong hem.

man ya, oli neva harem trutok, no maet oli gat smol save nomo long Baebol. Be wok blong prij nao, i givim janis long olgeta blong "save trutok," mo blong 'God i save sevem olgeta.' (1 Tim. 2:4) !Be sipos i gat samfala we oli no wantem nating blong save samting we Baebol i tijim, yu no mas letem tingting blong yu i foldaon! Yu traem yusum wan narafala buk blong traem pulum tingting blong olgeta. Biaen yu tokbaot sam samting we bambae i pulum olgeta i go long buk ya ?*Wanem Samting We Baebol i Rili Tijim?*, we yumi yusum blong mekem stadi long man.

tres mo hem i no bilif long God. Be sista ya i gat strong tingting blong gobak luk hem. Hem i tekem buklet ya, *A Satisfying Life—How to Attain It*, i go long hem. Sista ya i go long haos blong woman ya, nao i talem long hem se: "Mi mi save finis we yu no bilif long God, be mi mi tingbaot yu from mi save se yu wan nomo, yu i stap luk-aot long pikinini blong yu." Ale sista ya i openem buklet ya i go long pej 4, mo tufala i storian long paragraf 6 we i tokbaot weples man i save faenem ol gudfala advaes. Biaen, hem i leftemap tingting blong woman ya blong ridim stadi 2, we i tokbaot olsem wanem blong tijim pikinini. Woman ya i glad tumas blong karem buklet ya.

WIK WE I STAT LONG 30 DISEMBA

Singsing 87 Mo Prea

❑ Baebol Stadi Blong Kongregesen:

fy japta 13 ¶1-9 (30 minit)

❑ Tiokratik Skul:

Baebol riding: Revelesen 15-22 (10 minit)

Tingtingbak Long Ol Poen Blong Tiokratik Skul
(20 minit)

❑ Miting Blong Kingdom Wok:

Singsing 43

10 minit: "Yu Givhan Long Olgeta Blong 'Bilif Blong Olgeta i Kam Strong Moa.'" Wan tok. Biaen, yu soemaot kwiktaem, olsem wanem blong statem stadi long fas Saredé blong manis Jenuware. Yu leftemap tingting blong evriwan blong oli joen long wok ya.

10 minit: Yu Givhan Long Pikinini Blong Yu Blong i Kam Pablisa. Tok we i stanap long Kingdom Wok Blong Yumi blong manis Novembra, 2006, pej 9 haf 5 mo 6 (*Organized*, pej 82, haf 1 mo 2.) Yu askem kwestin long wan papa no mama we i soem-aot gudfala eksampol. Pikinini blong hem i pablissa be i no baptaes yet. Yu save askem long hem se, ?hem i mekem wanem blong givhan long pikinini blong hem blong i gohéd gud mo i kam pablisa?

10 minit: Yumi Neva Stap Yumi Nomo. (2 King 6:16) Tok wetem kwestin mo ansa we i stanap long 2013 Yearbook, pej 48 haf 1 kasem 3. Yu askem long olgeta we oli lesin se oli lanem wanem long storí ya.

Singsing 119 Mo Prea

Yu Givhan Long Olgeta Blong 'Bilif Blong Olgeta i Kam Strong Moa'

Yumi glad se evri yia, i gat bitim 250,000 manoli baptaes. Hemia i soemaot se Jehova stap blessem ol man blong hem. (Dut. 28:2) Taem wan Baebol stadi i baptaes, maet pablisa i ting se bambae hem i stopem stadi blong tufala, blong hem i save givhan long ol narafala Baebol stadi. Mo tu, maet Baebol stadi ya i ting se i gud hem stopem stadi blong hem, blong hem i save joen moa long wok blong prij. Be, i impoten we Baebol stadi ya i gat wan gudfala fandesen long trutok. Hem i mas holemstrong long Kraes olsem "rus" blong tri i holemaet graon, mo 'bilif blong hem i mas kam strong moa oltaem.' (Kol. 2:6, 7; 2 Tim. 3:12) Taswe, afta we Baebol stadi i baptaes, hem i mas gohéd blong stadi, kasem taem we hem i finisim tufala buk ya, *Baebol Tijim* mo 'Stap Long Laef Ya We God i Lavem Yu.'—Lukluk Kingdom Wok Blong Yumi blong Eprel 2011, pej 2.

Tingtingbak Long Ol Poen Blong Tiokratik Skul

Bambae yumi tokbaot ol kwestin ya long Tiokratik Skul long wik we i stat long 30 Disemba 2013. Dei we i stap long braket i blong givhan long yu blong lukaot moa save taem yu rerem skul evri wik.

1. ?Wanem i save halpem yumi blong soem kwaet fasin long ol haeman? (Taet 3:2) [4 Nov., w03 1/4 pej 25 haf 18-19]
2. ?Yumi lanem wanem long ol tok ya we Pol i talem long Filimon 4, 5, 7? [4 Nov., w08 1/10 pej 30-31 haf 11; w91 1/5 pej 31 haf 4-6]
3. ?Yumi mas mekem wanem blong joen weterem God long spel blong hem? (Hib. 4: 9-11) [11 Nov., w11 1/7 pej 28 haf 16, 17]
4. ?Fasin blong Samuel mo ol jaj mo ol profet blong bifo we "oli stap mekem ol stret fasin," i tijim yumi long wanem samting? (Hib. 11:32, 33) [18 Nov., w07 1/6 pej 30 haf 13]
5. ?From wanem Jemes i talem se: 'Fasin blong man we i kasem waes we i kam long heven, laef blong hem i klin gud, mo hem i man blong pis'? (Jem. 3:17) [25 Nov., w11 1/8 pej 26 haf 15]
6. "Gud nius i goaot" long "olgeta we oli ded." ?Hu olgeta ya? (1 Pita 4:6, NW) [2 Dis., w08 1/11 pej 31 haf 5]
7. Folem 1 Jon 2:7, 8, ?wanem loa we Jon i tokbaot se hem i "olfala," be long semataem hem i 'niu' tu? [9 Dis., w08 1/12 pej 29 haf 6]
8. ?Ol nem ya 'Alfa mo Omega' mo 'Faswan mo Laswan' oli blong hu? (Rev. 1:8, 17, NW) [16 Dis., w09 1/1 pej 30 haf 6]
9. ?Wanem tufala rod we ol tabu Kristin oli folem blong putum "mak" long ol man we God i jusumaot? (Rev. 7:3) [23 Dis., w07 1/1 pej 32 haf 1]
10. ?From wanem yumi trastem se ol promes ya blong God bambae oli kamtru? ?Ol promes ya oli mas pulum yumi blong mekem wanem? (Rev. 21:5, 6) [30 Dis., re pej 303 haf 9]

WIK WE I STAT LONG 6 JENUWARE

Singsing 36 Mo Prea

❑ Baebol Stadi Blong Kongregesen:

fy japta 13 ¶10-16 (30 minit)

❑ Tiokratik Skul:

Baebol riding: Jenesis 1-5 (10 minit)

N. 1: Jenesis 4:1-16 (no bitim 4 minit)

N. 2: ?From Wanem Oi Tru Kristin Oli Talemotaot Kingdom Blong God?—fg pej 21 haf 2 (5 minit)

N. 3: ?Trabol We Daena i Kasem From We Hem i Jusum Oi Rabis Fren, i Tijim Yumi Long Wanem?—lv pej 102-105 haf 13-17 (5 minit)

❑ Miting Blong Kingdom Wok:

Singsing 125

10 minit: Sam Tingting Blong Seremaot Magasin Long Manis Jenuware. Tok wetem sam kwestin mo ansa. Blong wan minit, yu tokbaot from wanem sam haf long ol magasin, oli save pulum tingting blong ol man long teritori blong yufala. Biaen, yu jusum ol fas stori long *Wajtaoa*, mo yu askem long ol brata mo sista blong oli talem sam kwestin we i save pulum tingting blong man, mo wanem vas we oli save yusum. Yu mekem sem mak wetem ol fas haf blong *Wekap!* Sipos i gat naf taem, yu save tokbaot wan narafala haf blong *Wajtaoa* no *Wekap!* Yu askem long tu publisa blong tufala i kam antap, mo soemaot olsem wanem blong seremaot *Wajtaoa* mo *Wekap!*

10 minit: Lokol nid.

10 minit: ?Yumi Lanem Wanem? Tok wetem kwestin mo ansa. Yu askem wan blong i ridim 1 Korin 9:19-23. Biaen yu tokbaot olsem wanem ol vas ya oli save givhan long yumi long wok blong prij.

Singsing 7 Mo Prea

Advaes

■ **Disemba:** ?Wanem Samting We Baebol i Rili Tijim? no ol traket. **Jenuware Mo Februari:** !Gud Nius We i Kamaot Long God! no eniwan long ol buklet we i gat 32 pej blong hem: *Speret Blong Oi Dedman*?—?Oli Save Halpem Yu No Spolem Yu? ?Oli Rili Stap?, Taem Wan We Yu Lae-

kem Hem Tumas i Ded, !Yu Save Kam Fren Blong God! **Maj:** *Wajtaoa* mo *Wekap!*

■ Long yia **2015**, Memoriol bambae i stap long Fraede 3 Eprel.

Ol Fastok

Blong Statem Ol Baebol Stadi Long Fas Sarede Blong Manis Jenuware

“Plante man oli stap wet blong luk Jisas i kambak. Sipos Jisas i kambak, ?wanem samting we yu yu wantem se hem i mekem?” Yu letem man i ansa. Biaen, yu soem haf we i stap biaen long *Wajtaoa* blong Jenuware-Maj. Nao yu tokbaot fashaf we i stap aninit long fas kwestin mo yu ridim wan long ol vas we i stap. Yu givim magasin long hem, mo yu mekem plan blong gobak mo tokbaot nekis kwestin.

WAJTAOA Jenuware—Maj

“?Long tingting blong yu, wanem giaman tijing we ol man oli talem long saed blong God? [Yu letem man i ansa.] Baebol i talem se, God i wantem we ol man oli lavem hem mo oli trastem hem. [Yu ridim Aesea 41:13.] *Wajtaoa* ya i soemaot tri giaman tijing long saed blong God, we oli pulum ol man oli gowe long God.”

Wekap! Jenuware—Maj

“Mifala i pas long haos blong yu tede, from we mifala i luk se ol man oli wari, se gudfala fasin i stap lus. ?Yu ting se ol man oli no moa mekem gudfala fasin? [Yu letem man i ansa.] Baebol i talem-aot finis se tingting mo fasin blong ol man bambae i jenis. [Yu ridim 2 Timoti 3:1-5.] *Wekap!* ya i tokbaot from wanem yumi save trastem ol gudfala fasin we Baebol i tokbaot.”



km1312-LJM NC
130917